

Ubuzima

Ubuzima si igicuruzwa cyangwa igikinsho cyo gutezwa urusimbi ; ntawe uzongera kubura ukwo yivuzwa ngo ni uko adafiteyeho amafaranga ako kanya. Tuzahatanira ko ibigo by'ubuzima byegera abaturage kandi hakigwa uburyo Leta yafasha abakene nyakujya mu kwivuzwa.

Ibidukikije

Ntituzaraga abana b'acu Urwanda rw'ubutayu. Ibyo dukora byose bigomba guteganyiriza uruburako rwacu, ari rwo Rwanda rw'ejo. Nta buzima bwiza bushoboka ibidukikije birimo byangizwa. Amashyamba azarindwa kandi buri murenge usabwe gufatanya n'uruburako gutera ibiti bingana n'abana bavuka kuri uwo Murenge buri mwaka.

Politiki mpuzamahanga

Ibyo u Rwanda rwakoreye Kongo ni amahano. U Rwanda ruzagirana n'amahanga umubano uzira uburyarya, ubwirasi cyangwa gukoresha ubuhezanguni bushingiye ku bwoko. Tuzateza imbere kugendererana, guhahirana no kwagura amasoko.



Kubera izo mpamvu zose,
dushaka guca agahigo.

Tugiye mu matora kugira ngo dutabare abanyarwanda tubahe uburyo bwo kwihitiramo koko. Niba koko abenshi mu banyarwanda barambiwe cyangwa se badashyigikiye ko ubutegetsi bamaranye iyi myaka, turagira ngo tubahe uburyo bwo kubusezerera mu mahoro. Kuvuga ko amatora abangamiwe n'ibintu byinshi birimo amategeko yashyizweho ku bwende n'ubutegetsi buliho ni byo; ibyo turabizirikana kandi ntitwahwemye kubyamagana.

Ntitwihuse kuko dutegereje twaba twirengagije ko hali abanyarwanda benshi bamaze gushyengurwa n'umusaraba ukomeye w'ubutegetsi bikoreye, bashaka gutura bakiruhutsa. None se haba hasigaye kwandikira nde, uvuga iki kitavuzwe, kugira ngo ayo mategeko ahinduke, kugira ngo umunyarwanda ushaka kugera ku butegetsi abugereho? Ese haba hari ubundi buryo bwo guhimuza no kunyomoza abirirwa babeshya ko mu Rwanda hari demokarasi n'ubwisanzure bihagije?

Ntitugiye gutereka ubutegetsi buhari ku ntebe: kuko FDU-INKINGI yajya mu matora itayajyamo, umukandida wese uzabona amajwi menshi y'abaturage azitirwa u Rwanda n'Abanyarwanda, kabone niyo yakwiyamamaza ari umwe. Ntibizamubuza kandi kwakirwa nk'umuyobozi w'igihugu hose.

Igitera FDU-INKINGI ingufu:

ni uko hari abanyarwanda benshi bashyigikiye iki gitekerezo, cyane cyane abari mu Rwanda, abahungiyeye mu bihugu byinshi bya Afurika bahora bacuragizwa, n'ubwo batariho neza mu nkambi z'impunzi izari zo zose.

Namwe lero dukeneye inkunga yanyu.

INKINGI
FORCES DEMOCRATIQUES
UNIFIEES

INCAMAKE YA
GAHUNDA Y'ISHYAKA



Tel: **0031 623075674**
00250 785836000
E-mail: **info@fdu-udf.org**
Web: **http://www.fdu-udf.org**

United Democratic Forces

Ishyaka ryacu ryitwa INKINGI



Inkingi ya **Demokarasi**; inkingi y'**Ubumwe** bw'Abanyarwanda; inkingi y'**ubutabera**; inkingi y'**amajyambere**. Tuzaniye abanyarwanda ubushake bwo gufatanya nabo gushyiraho ubutegetsi bubaha ijambo, tugafatanya gushyiraho ubuyobozi burengera kandi bukarenganura buri muntu, bubungabunga ubuzima bwa buri muntu kandi bukamuha uburyo bwo kwivana mu bukene no mu bujiji.

Amahame y'Inkingi

Kwishyira ukizana kwa buri muntu; kudasumbana imbere y'amategeko; kutokamwa n'ubujiji kandi ufite ubwenge bwo kwongera ubumenyi; kudahera mu butindi kandi ufite imbaraga zo gukora; gushobora kwihitiramo abagutegeka nta gitugu ushyizweho kandi ukagira uruhare mu byemezo bafata; kwishyikira ku bategetsi no kwegerezwa ubutegetsi; kugira ishema mu bandi ntugende wububa, no kutumva uri nyakamwe ngo wigunge kandi ufite abaturanyi mwagombye gusangira akabisi n'agahiye.

Kw'isonga tuzahatanira ko n'abatagira kivugirwa na kirengera barenze 90% by'abanyarwanda bagira ijambo. Abo ni Abanyacyaro bagizwe cyane cyane **n'abahinzi-borozi, Abirukanwa mu mijyi** kubera ko nta mikoro no kubura ababatangira ingwate zatumye bahabwa imyenda n'amabanki yatuma bakemura amaniza bashyirwaho; **Abakozi** bavutswa akazi kandi bagashoboye, kubera irondakoko, irondakarere cyangwa kuba barigishijwe mu gifaransa, **urubyiruko** ruteshwa igihe mu mashuri kubera kwiga mu cyongereza nta balimu rufite.

Genocide n'ubundi bugome bwabaye mu Rwanda bwateye icyasha n'inkovu nyinshi mu Banyarwanda, burabatandukanya. Ni yo mpamvu tuzaharanira **Inama Ngobokagihugu** izaba uruvugiro rwo kwigurira nta gufukiranwa, buri wese akimara agahinda. Iyo nama izahurirwamo

n'abanyarwanda b'ingeri zose izasuzuma ibintu bikurikira : **impamvu zateye amarorerwa yabaye mu Rwanda, abagize uruhare muri ayo marorerwa bose, uburyo bwiza bwo gukoresha ubutabera no gushakira impozamalira abahohotewe bose, kureba ingamba zashyirwaho ngo amakimbirane atazasubira.** Abanyarwanda bazashakira hamwe ukwo bashyiraho ubutegetsi bubabereye kandi budahumbya mu kurengera ubuzima – gusugira no gusagamba kwa buri muntu, nta muryango wikanga kurimburwa. Abahoze bayobora u Rwanda bazasubizwa icyubahiro cyabo, kandi bahabwe uruhare mu kwunga abanyarwanda.

Kwibuka

Twibuke Twese, ariko twibuke twubaka; twibuke ibyabaye, ariko amaso tuyahange ejo hazaza.

Imfubyi n'abapfakazi

Imfubyi zose, abapfakazi bose bagomba kwitabwaho; impfubyi za genocide n'impfubyi z'ubundi bwicanyi zizitabwaho by'umwihariko.

Ubutabera

Ubutabera ni igipimo cya Demokarasi. Tuzaharanira ubucamananza bujyanye n'ubutabera, butarobanura cyangwa ngo bube igikoreshe cyo guhohotera no kurenganya abatavuga rumwe n'ubutegetsi. Gacaca zizavaho zisimbuzwe Inkiko zisanzwe. Amategeko azarengera buri muntu wese; niyo mpamvu abangamiye itangazamakuru n'imiryango yigenga itabogamiye kuri leta azavanwaho.

Inzego z'ubutegetsi

Inzego z'ubutegetsi zizaba inzego abanyarwanda b'amoko yose n'uturere twose bibonamo. Inzego z'umutekano zizaba nazo ari inzego abanyarwanda b'amoko yose n'uturere twose bibonamo, kandi koko zihumuriza abatwaga bese.



Ingabo z'igihugu

Ingabo z'igihugu zizahabwa ubushobozi butuma zirengera **ubusugire bw'igihugu n'umutekano w'abatwaga**; ntizizongera kwivanga muri politiki, zizarushaho kugira icyizere cy'abatwaga; ntizizaba iz'ishyaka cyangwa iz'umuntu uri ku butegetsi. Ibyo ni byo bizatuma abanyarwanda batongera guhunga igihugu cyabo.

Uburezi

U Rwanda nta mabuye y'agaciro na petroli rugira. Tuzateza imbere uburezi n'indimi zizatuma abanyarwanda bashobora kuvugana n'abatwanyi no gutembera kw'isi hose, aho bashobora kubona imirimo mu by'ubukungu n'ikorabuhanga. Amategeko yo guhindura abantu ibiragi ngo ni uko batavuga urulimi uru n'uru azavaho, higwe indimi nyinshi zirimo **ikinyarwanda, indimi z'abatwanyi** n'iz'amahanga cyane cyane Igiswayili, Igifaransa, n'Icyongereza. Hazaba gahunda idasanze yo kwigisha abatazi **gusoma no kwandika**. Tuzateza imbere **amashuri y'ikorabuhanga** ku buryo by'ibuzze 70% by'abasore n'inkumi bageze ku myaka 18 bafite umwuga ushobora kubatunga. Za Kaminuza ntizizahahirwa gusa indobanure n'ubwo zo zizahabwa uburyo bwo gushyiraho akarusho.

Ubukungu n'iterambere

Twahisemo guteza imbere ubukungu butuma buri muntu ashobora gutungwa n'umwuga we kandi akagira imibereho myiza. Kwongera imyuga utongeye ubukungu mu cyaro ngo abanyarwanda babone ubushobozi bwo guhaha ibyo bakeneye n'ibyo abanyamyuga bakora ntacyo bimaze. Ariko, nk'ukwo utahatira umuntu gucuruza icyo adashaka, ntiwahatira umuhinzi ikitamufitiye akamaro. Tuzakoreshe politiki y'agahimbaza musyi n'ikorabuhanga bikangulira umuhinzi-mworozi kwitabira ibihingwa byongera umusaruro n'umutungo, adahohotewe cyangwa ngo ashirwe ku ngoyi.

